


IBANGA 2 ULWIMI LWEENKOBE

# Intshontsho ledada elibi



ISIXHOZA

Inqanaba:

2

Incwadi

3



# Ukufunda ngokwamaqela ngoncedo lukatitshala

## Phambi kokufunda

- Tyhila ibali abaza kulifunda. Thetha ngemifanekiso.
- Cela abafundi baqashisele ukuba lingantoni na ibali ngokujonga kwizihloko nemifanekiso.
- Cacisela abafundi amagama amatsha okanye anzima phambi kokuba baqalise ukufunda.
- Yenza amakhadi amagama ukufundisa isigama esitsha. (Jonga uluhlu lwasigama esitsha kumphakathi woqweqwe lwangasemva.)

## Xa kufundwa okokuqala

- Abafundi mabafunde incwadi ngabanye-ngabanye.
- Abafundi mabafunde ngokuthe cwaka okanye bafunde incwadi ngokusebeza.
- Yiya kumfundu ngamnye umcele ukuba afunde umhlathi encwadini ekhwaza.

## Ingxoxo

- Buza imibuzo evavanya ukuqonda esekelewe encwadini.
- Gxinisa kwizandi, amagama angaqhelekanga okanye anzima nakwisigama.
- Uya kufumana imisebenzi engemva kule ncwadi iluncedo ekukhokeleni ingxoxo. (Khetha imisebenzi elungele umgangatho wabafundi).

## Xa kufundwa okwesibini

- Kwiintsuku ezilandelayo, bayeke abafundi bafunde kwakhona, ngababini okanye emnye.
- Gxinisa ekufundeni kakuhle, igrاما nesigama.
- Bayeke abafundi bagqibezele imisebenzi equkwe ngemva kule ncwadi ngokwamaqela. Khetha imisetenzana efanele umgangatho wabafundi.



Abafundi mabenze umdlalwana  
ukuba incwadi iyakuvumela oko.



Abafundi mabenze imisebenzi yokufunda ngokwamaqela emva kwesifundo. Bayalele abafundi basebenze ngokwamaqela benze imisebenzi efanelekileyo yokufunda ngokwamaqela efumaneka ngemva encwadini. Mabangabhalu kule ncwadi. Imisebenzi ebhalwayo mayenziwe kwiincwadi zabo zemisebenzi.

# Intshontsho ledada elibi



Kudala - dala uMama Dada  
wayehlala nosapho lwakhe  
efama. UMama Dada uhleli  
phezu kwamaqanda asixhenxe  
alindele ukuba aqandusele.

Ngoku lixesha lokuba amaqanda  
am aqandusele. Ndingxame  
kakhulu ndifuna ukubona  
amantshontsho am asixhenxe.



Nganye nganye aqhekeka  
amaqanda avuleka onke  
ngaphandle kwelinye elikhulu  
kakhulu.

"Molo! Mna ndinguNana," litshilo  
intshontsho lokuqala.

"Mna ndinguTshepo", litshilo  
intshontsho elitsha elilandelayo.

"Mna ndinguZaza." "Mna  
ndinguMantuse," atshilo amanye  
amabini. "Likhulu kangakanani  
ihlabathi?" akroba amantshontsho  
edada amancinci.

Inoba liya kuqandusela  
nini eli qanda likhulu. Inoba  
liya kukhangeleka njani  
intshontsho lam lokugqibela.



UMama Dada wahlala, wahlala  
phezu kweqanda elikhulu. Ilanga  
liyatshona kwaye akubonakali  
kusenzeka nto.

Ekugqibeleni iqanda elikhulu  
laqhekeka, lavuleka. Laphuma  
litsiba intshontsho lokugqibela.

Lalilikulu futhi lomelele  
kodwa lingafani namanye  
amantshontsho amatsha  
aqanduselweyo.

Heke! Ndide ndaphuma.  
Ihlabathi elikhulu  
kangaka!



Kwintsasa elandelayo,  
uMama Dada uthathe onke  
amantshontsho akhe  
waya nawo edamini.

“Jonga elaa dada lokugqibela!  
Aliqhelekanga ela ntshontsho!”  
lakhwaza latsho ihashe.

“Ha ha ha! Khawujonge ukuba libi  
kwalo,” yahleka inkomo.


Khawulezani bantwana,  
siza kudada.




Ngokukhawuleza, amantshontsho  
edada amancinci atsibela  
emanzini. Adada, agxampuza,  
etshona evela emanzini.




Okothusayo kukuba intshontsho  
ledada elibi lidada ngcono kunawo  
onke amanye.





Intshontsho ledada elibi  
alonwabanga kwaphela kukuhlala  
efama. Ezinye izilwanyana  
zihlekisa ngalo. Iinkuku ziyalixhola,  
izinja ziyalikhonkotha.  
“Ziyandoyika kuba ndimbi,” latsho  
njalo.



Ngabusuku buthile,  
intshontsho ledada lagqiba  
ekubeni limke. "Ndigezelwa  
ngumntu wonke. Ndiyahamba  
apha," latsho njalo.



Intshontsho ledada  
lahamba laya ngasemlanjeni  
apho labona khona iintaka  
ezinkulu ezintle zidada.

Iintsiba zazo zigudile, zintle.  
Zineentamo ezinde.


Amaphiko azo abhabhazela  
ngokupholileyo xa zibhabha.

"Akwaba bendinokudlala  
nazo. Zintle kakhulu. Mna  
ndimbi ndinje," latsho kalusizi  
intshontsho ledada.





Kwaqalisa ukuwa ikhephu,  
into yonke yamhlophe qhwa.  
Kwabanda kakhulu nomlambo  
wajika waba ngumkhenkce.  
Intshontsho ledada laligodola  
futhi lingonwabanga. "Kufuneka  
ndizimele," latsho intshontsho  
ledada.




....Kwafika iNtwasahlolo. Ilanga  
laphuma kwakhona, imithi idlamkile  
iluhlaza.

Ngenye intsasa intshontsho  
ledada lazihambela lisiya  
ngasemlanjeni laze labona  
oontamonde bamadada abahle  
kwakhona.



Labukela oontamonde laze laziva  
lilusizi kakhulu. Laqala lalila.  
"Andisembi ngako kwaye  
ndindedwa. Andinabahlobo."



Lisalila njalo lajonga ezantsi  
ngaphaya kweenyembezi  
zalo laze labona isithunzi salo  
emanzini.

“Ingaba ndim lo?” lazibuza.  
“Ndinguntamonde!”

Kwangelo thuba, kwadlula  
amanye amadada  
angoontamonde edada  
ngondiliseko. Alibiza intshontsho  
ledada elibi ukuba  
lizodada kunye nawo.

Intshontsho ledada latsibela  
emanzini. Laziva lonwabe kakhulu  
phakathi kwabanye oontamonde  
abahle.

Yiza uzodada kunye nathi.  
Ulidada elinguntamonde  
njengathi! Ulelona dada  
linguntamonde lakhe lalihle  
kuwo onke amadada  
angoontamonde.



# Imisebenzi yokufunda yamaqela



1 Thetha malunga nebali.

- Ulithandile ibali? Nika isizathu sempendulo yakho.
- Amaqanda aqanduselwe ngeliphi ixesha lonyaka? Kutheni usitsho njalo?
- Ucinga ukuba intshontsho ledada elibi lalilibi ngenene?



2 Gqibezela le misebenzi.

- Khangela amagama anezi zandi zilandelayo uze uwabhale phantsi: d, hl, q, ntsh, dl, kh, ny, nd, nt, nc, bh, ntl, ntw, nkc, ngc, ee.
- Bhala kwakhona ezi zivakalisi zilandelayo kwixesha elidlulileyo.

Ngoku lixesha lokuba amaqanda am aqandusele.

Ulidada elinguntamonde njengathi!


- Fakela iziphumlisi kwezi zivakalisi.



Molo mna ndingu Tshepo

ha ha ha jonga elaa dada lingaqhelekanga  
yatsho inkomo

uyintoni ulidada okanye irhanisi




- Bhala isiphelo esitsha sebali ngezivakalisi ezine ukuya kwezihlalu. Zoba umfanekiso ohambelana nesiphelo esitsha.



3

Sebenza nomhlobo wakho. Jonga imifanekiso emibini. Khangela ukuba zingaphi izinto ezohlukileyo ozibonayo.

1



2



4

Ngqamanisa ezi zilwanyana zilandelayo kunye nabantwana bazo:


idada
ihagu
inkomo
inja
ikati
igusha
irhanisi
inkuku

intshontsho lehagu
intshontsho ledada
intshontsho lenkuku
itakane
injana
ikatana
intshontsho lerhanisi
intshontsho lerhanisi



5

Funda ipowusta uze uxoxe ngayo  
kunye nomhlobo wakho.



## Amalungelo abantwana

Abantwana abaninzi abahoywanga,  
baphathwa gadalala, bayantlontwa futhi  
bayonyeliswa. Nabani na ongawahloneleyo  
amalungelo akho waphula umthetho.



Bonke abantwana banelungelo  
lothando, ukuqonda kunye nenkathalelo.

Banelungelo lemfundu, lokudlala  
nelokuzibandakanya kwizinto zolonwabo.

Banelungelo lokuba batye kwaye babe nendawo  
yokuhlala, baphathwe kakuhle.

Banelungelo kwinkathalelo yempilo nokhuselo  
ekuphathweni gadalala nokungahoywa.

Banelungelo lokuhlala kwindawo ecocekileyo.

## IBANGA 2 ULWIMI LWEENKOBE



Incwadi

3

<b>Isihloko:</b>	Intshontsho ledada elibi
<b>Ulwimi:</b>	IsiXhosa
<b>Inqanaba:</b>	Incwadi yokufunda yoLwimi Lweenkobe yeBanga lesi-2 Inqanaba 2 Incwadi 3
<b>Uhlolo lwencwadi:</b>	Ibali
<b>Amagama ajongwayo:</b>	-bamba, -cinga, njani, kangakanani, oku, okuya, kuzile, nini
<b>Isigama:</b>	ukuloba, okungalindelwanga, uvuyo, ukuphosa, bamba, isithiyeli, -misa, engeyonene, ngomonde, tsala
<b>Izandi:</b>	ts-, th-, ph-, hl-, ntl-, q-, ndl-, mb-, ndl-, nt-
<b>Umxholo, amagama nezakhono:</b>	<ul style="list-style-type: none"><li>▪ Bhala amagama kwisichazi-magama sakho.</li><li>▪ Bhala kwakhona izivakalisi kwixesha langoku.</li><li>▪ Phawula uze ulungise iimpazamo kwiziphumlisi.</li><li>▪ Buza uze uphendule imibuzo kwisicatshulwa.</li><li>▪ Bhala isiphelo esitsha sebali.</li><li>▪ Zoba umfanekiso wesiphelo esitsha.</li></ul>

Inkqubo ye-CAPS igunyazisa ukuba ootitshala babe nexeša abalibekela bucalu ngosuku ngalunye, kulungiselelwa ukufunda ngamaqela encediswa ngutitshala.

ukufunda ngamaqela encediswa ngutitshala kujolise ekubeni abafundi abakwinqanaba lokufunda elifanayo bafunde isicatshulwa esifanayo ngoncedo lukatitshala.

Utitshala kufuneka enze isicwangciso sokufunda esiquka iindlela zobuchule bokufunda nokuqonda amagama, zokuxhobisa abafundi xa befunda.

Ezi ndllela zobuchule ziquka "incoko ngebali" ephakathi kukatitshala nabafundi, nephakathi kwabafundi emaqeleni abo. Ezi ncwadi ziqulethe iqela lemisebenzi malunga nezi "ncoko ngebali", ukujonda neminye enokuncheda ootitshala ekukhokeleni ukufunda ngokwamaqela emagumbini abo.

ISBN 978-1-4315-2616-1



9 781431 526161

ISBN 978-1-4315-2616-1



**THIS BOOK MAY NOT BE SOLD.**



**basic education**

Department:  
Basic Education  
**REPUBLIC OF SOUTH AFRICA**

Published by the Department of Basic Education  
222 Struben Street, Pretoria  
South Africa

© Department of Basic Education  
First edition 2016

The Department of Basic Education has made every effort to trace copyright holders but if any have been inadvertently overlooked, the Department will be pleased to make the necessary arrangements at the first opportunity.

Author: V McKay

**Ezinye iincwadi ezikwithala leencwadi zebanga lesi-2 zoLwimi Lweenkobe:**



**USisi unomhlolo omtsha**

**Kunzima ukuba yinja**

**Mhla iqwarhashe lanemigca**

**UNdlulamthi uyakuthanda ukufunda**



**UBubu ulahlekile**

**Benza njalo abahlolo**

**Intshontsho ledada elibi**



**Ibhayisekile entsha kaBheki**

**Izilwanyana ziya elwandle**

**Tshotsh' ubekho Mnenga**